



Na osnovu člana 2.9 stav (1) tačka 2.a Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), u vezi sa članom 3. Odluke o raspisivanju i održavanju Lokalnih izbora 2020. godine („Službeni glasnik BiH“ br. 25/20), Centralna izborna komisija Bosne i Hercegovine je na 40. sjednici, održanoj 23. jula 2020. godine, donijela

**ODLUKU
O RASPISIVANJU I ODRŽAVANJU LOKALNIH IZBORA 2020. GODINE U
GRADU MOSTARU**

**Član 1.
(Organ vlasti za koji se raspisuju izbori)**

- (1) Raspisuju se neposredni izbori za izbor vijećnika u Gradsko vijeće Grada Mostara.
- (2) U sastav Gradskog vijeća Grada Mostara bira se 35 vijećnika u skladu sa članom 19.4 Izbornog zakona Bosne i Hercegovine.

**Član 2.
(Datum održavanja izbora)**

Izbori iz člana 1. ove Odluke održat će se u nedjelju 20. decembra 2020. godine.

**Član 3.
(Broj birača)**

Broj birača upisanih u Centralni birački spisak za izbore iz člana 1. ove Odluke sa stanjem na dan 22.07.2020.godine u 24.00 sata je:

- a) Gradska izborna jedinica

Šifra	Naziv izborne jedinice	Broj birača
199	GRADSKA IZBORNA JEDINICA	100.457

- b) Izborne jedinice gradskih područja

Šifra	Naziv izborne jedinice gradskog područja	Broj birača
154	IZBORNA JEDINICA GRADSKOG PODRUČJA 1 (SJEVER)	10561
155	IZBORNA JEDINICA GRADSKOG PODRUČJA 2 (STARI GRAD)	23579
152	IZBORNA JEDINICA GRADSKOG PODRUČJA 3 (JUGOISTOK)	8235
151	IZBORNA JEDINICA GRADSKOG PODRUČJA 4 (JUG)	8158
153	IZBORNA JEDINICA GRADSKOG PODRUČJA 5 (JUGOZAPAD)	30812
156	IZBORNA JEDINICA GRADSKOG PODRUČJA 6 (ZAPAD)	19112

Član 4.
(Prijava za učešće na izborima)

(1) Sve političke stranke i nezavisni kandidati da bi se ovjerili za učešće na izborima iz člana 1. ove Odluke moraju podnijeti Centralnoj izbornoj komisiji Bosne i Hercegovine prijavu za učešće na izborima koja sadrži neophodan broj potpisa podrške u skladu sa članom 4.4 stav (5) Izbornog zakona Bosne i Hercegovine.

(2) Političke stranke koje je Centralna izborna komisija Bosne i Hercegovine ovjerala za učešće na Lokalnim izborima 2020. godine, uz prijavu za učešće na izborima iz člana 1. ove Odluke nisu dužne dostaviti dokumentaciju iz člana 3 tačka a) i d) Pravilnika o prijavi i uslovima za ovjeru političkih subjekata za učešće na Lokalnim izborima 2020. godine („Službeni glasnik BiH“ br. 25/20).

(3) Za prijavu na izbore iz člana 1. ove Odluke, Centralna izborna komisija Bosne i Hercegovine propisuje posebne obrasce koji su sastavni dio ove Odluke.

Član 5.
(Visina takse za ovjeru)

Odluka o visini takse za ovjeru za učešće na Lokalnim izborima 2020. godine („Službeni glasnik BiH“ br. 25/20) primjenjuje se i na izbore iz člana 1. ove Odluke.

Član 6.
(Rokovi i redosljed izbornih aktivnosti)

Rokovi i redosljed izbornih aktivnosti za izbore iz člana 1. ove Odluke propisuju se Uputstvom o rokovima i redosljedu izbornih aktivnosti za Lokalne izbore 2020. godine u Gradu Mostaru.

Član 7.
(Podzakonski akti)

Na sve što nije regulisano ovom Odlukom primjenjuju se važeći podzakonski akti Centralne izborne komisije Bosne i Hercegovine.

Član 8.
(Stupanje na snagu i objava)

Ova Odluka stupa na snagu danom donošenja i objavit će se u "Službenom glasniku BiH", "Službenim novinama F BiH", "Službenom glasniku RS" i "Službenom glasniku Brčko distrikta BiH" i na internet-stranici Centralne izborne komisije BiH www.izbori.ba.

Broj: 05-1-02-2-660-2/20
Sarajevo, 23. jula 2020. godine

Predsjednik
Željko Bakalar